

## П. Чейметов. Потр «Вōраяп хумыг»

Пантелеймон Кириллович Чейметов (Еврин) (1913 самын патыс–1947 – āтимыг ёмтыс) – тав ловиньтахты о́выл нэ́пак хаснэ хōтпаг мāньщи литературат. Ты хум Евра пāвылт самын патыс. Тав хансум потре «Вōраяп хумыг» руц лātңын В. Наумован толмашлавес. Ты урыл нэ́ лāвыс: «Мāньлат хум, хотьют нэ́пак хансыс, тārвитың лēңх вāрыс, нэ́пак хаснэтэ э́лы-пāлт. Мāньтāлыг тав вōрт о́лыс, āще ёт вōраяс, хул алыщлас Хонта-я́т. Туп хōт э́тпос мāнь поратэт ишколат тав хаництахтуңкве вёрмыс. Тувыл хоса хал ат вёрмыс хаництахтуңкве ишколат, ос таи ёмас, ты хум, тōнт иң пыгрищ, такви юн хомус вёрмыс, та хаництахтас. Нэ́пакыт ловиньтас, сāvсыр заданият вāрыс. Такви яныгмам мātэт тав комсомольский организация секретарий пēриим о́лыс, тувыл ты коньпал мōт сāv рупата вāрим о́лыс. Хунь колхозыт вāрвёсыт, тав тара колхозыт рупитаңкве патыс, 9 э́тпос курсытт хаництахтас, тувыл 1934 тāl порат Кондинский райкомныл Ленинград ўсн Лўи мā мир институтн хаництахтуңкве тётвёс». В. Наумова лāвыс, П. Чейметов сака номтың хōтпа. Тав потре мōт хōтпат хансум потрытыл мощ мōтщирнувег хансым о́лы, ёмаснувег.

Тав потре улпыл та урыл ёмасыг тэ́лыс: хум пёс пōра о́лупса ат лōкамтастэ, ёмасщир хансыстэ. Тувыл ос потрёт тўлыглап урыл мощ хансыс, хомус апāпштёв вāгылттаве ос мāныр та торыг мāньщи мāхум вāрэгыт, мāныр лātңыт лāvёгыт, пōйкщёгыт. Тав потре тит хўмыг урыл хансыстэ. Тэн – юртхумыг, акватэ мāньщи хум, тав тāланэ яныгнувет, тав наме Трофим; титытэ руц хум – Василий. Мāньщи хум – тав вōраяң хум, вōраяң вāрмаль ман такви мāньщи о́лупсатэ ёмашакв вāгтэ. Тав

мўтраң хōтпа. Ты потыр ловиньтым, аквтупыл сунсѐгын хомус хумьг тѐнти хālѐнт потрамѐг, хомус вōрайѐг, рўпитѐг.

Трофим – воряяң хум, такви щѐмьятѐн акваг потыртавес колхозыт рўпитаңкве, тав щар ат касашас. Тав хоса номсахтас, тав хомус ос маныр урыл номсахтас, ты урыл потыр ловиньтым торгаматаңкве ты рōви. Потыр оигпан порат тав тах та касаци колхозыт рўпитаңкве.

В.Д. Лебедев – литература критик, ты урыл лāви, аквтоп мātумпала вōраяң хум Трофим колхозыт рўпитаңкве та урыл ат таңхи – тав лильпи ълупса урыл номсункве ат хасы. Тав номтанѐ такви Тōруме урыл ълсыт, нѐйтѐтн айтыс, руцит ат ѐруптас. Пѐс порат тав руцитн сāvщос лапалалвес, таитн, хотьютыт тыналахтын кастыл мāньцит палт аквписыг ѐхталалсыт.

Чейметов потрет соль Трофим урыл сака ѐмасыг ос пўмщиг хансым ълы, тав ўй-хул матыр ати пуссын вāг, товлың ўйит вāг, кютьванѐ торгамты, мā-вит ургалы. Пўмщиг Чейметов хансы, хомус Трофим руц юртѐ ѐт алыщласыг, вōраясыг. Тувыл Трофим, хунь руц юртѐ āпāпщтев ѐл вāгылттас, ѐрнѐ щир ўй вāгылттан юи-пāлт вāрмаль щѐпитас.

Руц юртѐ наме Василий. Тав тāланѐ мāньнувет, тав колхозт рўпиты. Вōраяңкве ъвылщѐс ущ минас Трофим ѐт. Пѐснув порат Василий турман касна колн унттыглалыма, тав нуса хōтпат вуянтас, щѐлың хōтпат люкамтас, та урыл хон порат турман касна колыт ўнлыс. Ты потрыт Чейметов ос тамле пўмыщ вāрмаль урыл хансы: ты хумыг вōраяңкве таквсы порат минасыг. Тўйт патыс, вōраяң мāхум молямтахтым вōрн щѐпитахтуңкве патсыт. Трофим ос Василий ѐс та

минмыгтасыг. Ты элы-палт руц хотпа Трофим нэтэн потыртавес, вос тав маньщи хотпа ёмащакв потыртэтэ – колхозын миннэ магыс. Хотпаг минмыгтасыг. Тэтни халэнт потрамэг, тованакт халмалтахтылалэг, тувыл ос ёмащакв потрамег. Трофим тованакт Торум пойкци, Василий таве ат торгамтытэ, тав коммунистаг олы. Тав лави, ань олнэ йисыт тамле вэрмалъ ат эрнув вэрунъке. Трофим ювле кантлы: «Ам вэслум те, наң тох наңтинанын оньцунъке патылын, эт ат вейнувлум». Василий тованакт лави: «Партия манав лильпи олупсан тотытэ, посың хоталын тотытэ. Ман ань уц ты ёмас номтыл олунъке патсув, ты номтанув-олупсанув яныгман няврамытн эрегыт потыртаунъке». П. Чейметов хансум потыр оигпи тамле латнъытыл, ты латнъыт маньщи хум Трофим тав лави: «Наң, Василий, сака ёмас хотпа, ам наң ётын вөрн ялсум, наңыныл савнув ханищтахтасум, наң ануমনыл мощчанув ханищтахтасын. Ам наң ётын колхозыт рупитаунъке патэгум, ёмас олупса няврамыт магыс вэрунъке патэгум. Мён катагамён ань такыщ акван пухвтым олэг, нэмхотыют ат вёрми мён катагамён титтыг виунъке. Наң анумен похын ат туясылын, ам наңын похын ат туясылум. Тох потыр ты олы.

Ань йис олнэ хотпат тамле потыр ловиньтым савсыр номтыл ёхтавет. Маныр урыл ос манрыг ты потыр Чейметов хансыгластэ, ань йис олнэ хотпа щар мотцириг вёрмитэ торгамтаунъке. Тох ман ати, ты потыр сака пумыщ касың хотпан ловиньтаунъке. 1950-й талт М. Сергеев Чейметов потыр урыл хансыс: «Потрыт «Ворян хумыг» нэпак хаснэ хотпав суссылты, хомус уцты овылтахтын колхозыт, хот уцты руцит эт маньщит рупитаунъке патсыт, тит хумыг – матум маньщи

ōйка ос мощ м̄аньлатнув рущ ōйка акван юрщхатысыг, аквьёт  
вōрая҅кве ялсыг».